

Pregadoria Universali
Intentzionis “Impari cun...”

Solo **Tutti**

Su - spi - rat a tu - i, Se - gno - ri, su -
spi - rat a tu - i, Se - gno - ri, s'a - ni - ma mi - a.

1• Impari cun totu is gentis chi aspettant de ti podi conosci,
cun is missionarius chi predicant s’Evangéliu;
cun is chi funt in persecutzioni po sa fidi,
cun is cristianus chi no tenint coràggiu de ti fai de
testimongius
e po cussus chi no creint in Deus:
impari cun issus a tui, Signori, suspiraus.

Solo: Suspirat a tui, Sennori,
Tutti: Suspirat a tui, Signori, s’anima mia.

1. Paris cun sos pòbulos chi ancora aisetan de ti conoscher
e cun sos missioneris chi annùntzian s’evangèliu tou,
paris cun sos persighidos pro more de sa fide,
cun sos cristianos chi no tenen s’ànimu de ndh’esser
testimonzos,
e cun sos chi no creen in Deus:
paris cun issus a tie, Signore, suspiramos.

Solo: Suspirat a tui, Sennori,
Tutti: Suspirat a tui, Signori, s’anima mia.

2. Impari cun is giovanus in cica de triballu e cun icussus chi
nci arruint in sa droga,
cun is operaius disoccupaus, cun is messaius e is pastoris
chi sunfrint is dannus de su tempus malu,
cun is famillias chentza de domu, cun is antzianus lassaus a
sa sola,
cun totu cussus chi sunfrint discriminatzionis de dónnia
arratza,
e po totus is chi tenint responsabilidadi de su beni comunu:
impari cun issus a tui, Signori, suspiraus.

2. Paris cun sos giòvanos chi aisetan unu trabàgliu e cun
cussos chi si dan a sas drogas,
cun sos operàjos disimpreados, cun massajos e pastores
chi patin sas cuntrariedades de sa natura,
cun sas famìlias chena domu, cun sos antzianos lassados a sa
sola,
cun totu sos chi sun assugetados a discriminatziones de onzi
zenia e
pro totu sos chi tenen responsabbilidade de su bene de totus,
paris cun issus a tie, Signore, suspiramos.

3. Impari cun is populus chi ancora sunt in cica de libertadi,
e po totus cussus chi si pentzant ca est prus facili a agatai
ordini e cambiai in mellus is cosas cun sa fortza;
cun is chi funt persecutaus po amori de sa giustizia,
cun totus cussus chi si giaint de fai po sa paxi,
e cun is sordaus obrigaus a sa ghera:
impari cun issus a tui, Signori, suspiraus.

3. Paris cun sos pòbulos chi ancora sun in circa de libbertade
e pro totu sos chi creen chi siat fàtzile de agatare òrdine e
bonu istare cun s’impreu de sa fortza,
cun sos persighidos pro more de sa giustissia,
cun totu sos chi trabàglian pro sa paghe
e paris cun sos soldados custringtos a sa ghera:
paris cun issus a tie, Signore, suspiramos.

4. Impari cun totus cussus chi circant de donai unu sensu a sa
vida insoru,
cun is chi no tenint ispera peruna;
cun is cristianus chi si domandant cali siat sa vocatzioni
insoru
cun is comunidadis chi provant a donai forma noa
a sa vida insoru in su Spiridu Santu,
e po chi in sa Crésia tenint unu ministèriu de servìtziu:
impari cun issus a tui, Signori, suspiraus.

4. Paris cun totu sos chi sun chirchendhe unu sensu pro sa
vida issoro
e cun totu sos chi sun chena isperàntzia peruna;
cun sos cristianos chi si preguntan cale siat sa vocatzione
issoro,
cun sas comunidades eclesiales chi chircan de rennoare in
s’Spìridu sa vida issoro,
e pro totu sos chi in sa Crèsia an unu ministèriu de servìtziu:
paris cun issus a tie, Signore, suspiramos